

# ՊԱՏԺԵԼ ՄԵՂԱՎՈՐՆԵՐԻՆ

Բոլորովին իմաստ չունի ըստ լարվածության չափի մարզը գոտիների բաժանելը: Բարձր լարվածություն է տիրում ամենուրեք: Ամենախաղաղ անկյունն անգամ պատրաստ է անսպասելի բռնկվել:

Մարտակերտի շրջանում հուլիսի 10-17-ը տեղի ունեցած իրադարձությունները լավագույնս ասպացուցում են, որ խաղաղությունը, կայունությունը այս ամբողջ ընթացքում խաբուսիկ, երևութական էին, որ ընդերքում կտուր էին կրքերը: Դեպքերը հսկայական արագությամբ հաջորդեցին միմյանց, այնպիսի արագությամբ, որ իրավապահական մարմինները, հատուկ դրության զինվորական կարգախմբերը ուղղակի չհասցրին, չկարողացան կանխել դրանք: Ամեն ինչ սկսվեց նրանից, որ հուլիսի 10-ին Ադրանը փակեց Ստեփանակերտի հետ շրջանի հաղորդակցության ճանապարհները: Նույն օրը Ադրանի շրջանում հարձակում գործեցին միլիցիայի Մարտակերտի շրջանային բաժնի տեսուչ Նորայր Դանիելյանի և Մարտակերտի երկու ուղիչ բնակիչների վրա:

Ծանր օր էր: Հուլիսի 11: Առանց ներքին գործերի շրջանային բաժնի հետ համաձայնեցնելու Միրքաչիից շարաչույուն բերեցին Մարտակերտ՝ Բյալքաջար անցկացնելու համար: Աղաթեկայինց գյուղի տակ ք ա Ր կ ո ծ ե-ցին շարաչույունը: Ռեակցիան սկսվեց... Հուլիսի 12-ի առավոտյան Բաշգյունեփայտային ճանապարհահատվածում գտան Լեմինականի բնակիչ (նախկին քաղաքապետ) Արթուր Սուրենի Տոնյանի դիակն ու ջարդված մեքենան: Բրեական գործ է հարուցված շրջանային դատախազության կողմից: Բճնությունը գնում է:

Հուլիսի 13: Ղազանչի գյուղի բնակիչ Առն Մարդի Աղաջանյանի մեքենան Մարտակերտից տուն գնալու ճանապարհին Ադրանի շրջանի Ղարաչիլար գյուղում քարկոծել են: Լ. Աղաջանյանը մարմնակազմված է ստացել: Բարկեծողները հայտնի են:

Հուլիսի 14: Ներքին գործերի շրջանային բաժնի մտածահագանգով՝ քարկոծում են անցնող մեքենաները, միլիցիայի և զինվորական կարգախմբերը շտապեցին Սրիսավենո: Կարգը պահպանելու համար ժամանած միլիցիայի կարգախմբերը գյուղում դիմադրության հանդիպեց: Ընդհարման հետևանքով մարմնական վնասվածքներ ստացան թուր երեքը՝ միլիցիայի ակազիլեյտեմանտ, տեղափասային տեսուչ Արմենակ Խաչատուրի Գրիգորյանը, միլիցիայի լեյտենանտ, տեղամասային տեսուչ Ղարիբ Մամեդ օղլի Ավերդիևը, միլիցիայի ակազիլեյտեմանտ, քրեական հետախուզության օպեր-չիագոր Ֆահրատին Իմրան օղլի Թամիրովը: Նույն օրը Սուպ սարի իրենց արտոնավայրերը գնալու ճանապարհին, Ադրաբան գյուղում Բյալքաջարի շրջանի պարետատամ ծառայողների կողմից կալանվել ու Բյալքաջար են տարվել Չափար գյուղի ուղի:

բնակիչներ՝ այդ թվում՝ Ծախույանի անվան կոլտնտեսության նախագահ Գ. Սարգսյանը: Միայն շրջանի ղեկավարության և ԽՍՀՄ ներքին գործերի մինիստրության պատասխանատու աշխատողների ջանքերի շնորհիվ չափարցիները հուլիսի 16-ին բերվեցին Ստեփանակերտ: Ինչպես հայտնեց ներքին գործերի մարզային վարչության պետ Ռ. Թումանյանցը, հայտնի չեն կալանավորման մոտիվները, պատճառները: Սպասում են փաստաթղթերին, որ պիտի ստանան ներքին գործերի Բյալքաջարի շրջանային բաժնից: Հուլիսի 15-ին և 16-ին Մարտակերտի շրջանի Մամիջբու, Բաշգյունեփայտ, Սրիսավենո, Օրթախայա, Խաթըմբեյի գյուղերում հայտնվել են հարևան աղբբեջանական շրջանների միլիցիայի աշխատողներ՝ իբրև թե արքեբեջանաբնակ գյուղերի բնակիչների անվտանգությունը և պահպանելու, հասարա-

կական կարգը պահպանելու համար, առանց ներքին գործերի շրջանային բաժնի գիտություն, համաձայնության ու թույլտվության: Ըստ շրջանային պետ Վ. Ավագիսյանի, հարևանների նման օգնության կարիքը շրջանը բոլորովին չէր գտնւ: Ավելին, նրանց ներկայությունը ապակայունացրել է դրությունը Մարտակերտում: Մանականդ որ տեղի ունեցած իրադարձությունները առանց այն էլ ստեղծել էին նոր լարվածություն: Վերջին փաստը միայն մեծացրեց հավանական ու ամենաանհավանական լուրերի շրջապտույտը: Հուլիսի 17-ին այդ, այսպես ասած, «օգնական ուժերը» հանվել են շրջանից: Սակայն ո՛վ է հրավիրել «կարգապահ» այդ ուժերին, կամ ո՞ւմ կողմից են նրանք մարզ մուծվել: Դա մեզ չհաջողվեց պարզել: Չնայած սրված, չափազանց քաղաքական իրավիճակին, գյուղատնտեսական աշխատանքները շրջանում շա-

րունակվում են: Բեքքահավաք է բանջարանոցներում, սի քանի օրից այգեկոթը կսկսվի: Իրացնելը պրորբն է: Բերքը փչանում է... ճանապարհները փակ են, վտանգաշատ, մեքենաներ չկան: Հուլիսի 18-ին բանջարեղենով բռնկված մեքենաների շարաչույունը գրախտանկերի ուղեկցությամբ է հասցվել Ստեփանակերտ: Շրջանը չի մատակարարվում հեղուկ գազով: Մինչդեռ Թարթուսի ջրերը շարունակվում են ոռոգել հարևան աղբբեջանական շրջանների դաշտերը, այգիները, բանջարանոցները: Միրքաչիի քաղաքը խմելու ջուր է ստանում Մարաղա գյուղի տարածքում խմված արտեզյան ջրհորերից: Զնազունը գործում է: Մինչև ո՞ր, թե մինչև ե՞րբ... Դե՛ վար է կանխագուշակելը: Մի բան պարզ է: Պետք կանխել դեպքերի դժվար կառավարվող ընթացքը: Դրության կարունացումը շրջանում գերխնդիր է: